



# Preassadieđáhus

## Romssa nuorat galget ráhkadit filmma dálkkádatdoaimmaid birra

**Birrasa ja johtolaga fylkkaráđđi ja oahpahusfylkkaráđđi addet ovttas 150.000 fylkkasuohkanlaš ruvno vai Romssa nuorat besset ráhkadit filmma iežaset dálkkádatdoaimmaid birra.**

Adalia Film AS - Adalia Media leat álggahan filbmaráiddu nuoraid váste, doaimmaid birra mat váikkuhit birrasa ja dálkkádaga buori guvlu, ja mas nuorat ieža leat mielde. Filmmat galget leat nuoraidskuvllaide ja joatkkaskuvllaide, ja neahttaportálii. Filmmaid galget maid láchit TV-sáddagii.

- Dát lea buorre ja gelddolaš birasprošeakta masa mii háliidit iežamet nuoraide addit vejolašvuoda searvat, dadjaba fylkkaráđit. - Birasdigastallamis hupmat mii "boahttevaš buolvvaid" birra ja mii sin dihte fertet jurddašit guhkesáigásaččat ja váldit rievttis mearrádušaid. Dán prošeavttas galget "boahttevaš buolvvaid" áirasat ieža beassat aktiivvalaččat searvat dasa movt stuorát gažaldagaid meannudit - smávit dásis, dadjaba Synnøve Søndergaard ja Pål Julius Skogholt.

Filbmaprošeavttas meannudit iešguđetlágan fáttáid mat leat áigequovdilát dálkkádaga oktavuodas, nu go ovdamearkka dihte biilageavaheapmi, vuovdi/Co2, oljodoaimmat, poláradutkan ekologalaš biebmobuvttadeapmi, birasustitlaš viessohuksen, doabbariid gieđahallan, mátkkoštandábit, luoddahuksen. Mánnggat fylkkasuohkanat, etáhtat, organisašuvnnat ja eará bealit servet maid. Nu beassatge oaidnit movt vuoruhit dálkkádaga ja birrasa eará fylkkain ja guovlluin, seammás go dát lea prošeakta mii bidjá nuoraid doibmii.

- Romssa nuorat besset čájehit iežaset birasánjiruššama, ovdamearkkaiguin máid sii dahket beaivválaččat, - ja fylkkasuohkanis lea hui buorre vejolašvuoha oainnusin dahkat oasi min viiddis dálkkádat- ja birasvuoruheamis, deattuheaba fylkkaráđit. - Mii leat juo sertifiseregohtán buot joatkkaskuvllaid birasláidesteaddjin, earret eará, ja filbmaprošeakta oainnusin dahká sihke hástalusaid ja oktavuodaid dálkkádatbarggus, báikkálaččat, ja máid nuorat sáhttet dahkat.

Filbmabuvttadeapmi galgá dahkkot dán giđa ja gárvvistuvvot čakčii. Skuvllat ja fylkkasuohkan besset friddja sáhttit geavahit filmmaid oahpahusa, doaimmaplánaid ja diehtajuohkindoaimmaid hárrái. Prošeavtta leat dorjon earret eará Oahpahusdirektoráhtta, Stáhta nuoskkidanberráigeahčču, Suodjalusdepartemeanta, RENATEguovddáš, Siemens, ABB ja earát.

Oktavuohaolbmot:

Birrasa ja johtolaga fylkkaráđđi Synnøve Søndergaard tlf. 906 76 573

Oahpahusfylkkaráđđi Pål Julius Skogholt tlf. 970 77 457

